

蒼谷公派譜序

夫敬先崇祖敦宗睦族是固東洋道德之根源而寔我邦固有之美風也人苟不知崇敬之道敦睦之誼其不至於忘本之歸而路人之視也者幾希矣譜也者普也所以普合宗族而收載之也派系而別之字行而列之明昭穆叙宗支雖百世之遠知其爲同根之親而孝弟之心油然自生古人之重修譜良有以也吾李之籍韓山者以戶長公爲始祖歷六七世而稼亭牧隱兩先祖出而名位大顯道德文章震耀一世其子姓日益蕃衍遂爲全國之大姓歷九世而有譜顯英號蒼谷宣廟己未別試文科歷焚香翰林光海壬戌航海朝京 紹宗皇帝以竹石圖鐵如意褒賜之及仁廟改玉特除正憲大夫吏曹判書弘芸兩館大提學十相西聳庚辰與金清陰徐晚沙及子徽祚被拘瀋陽崇禎壬午又赴鳳凰城陪世子將還遭疾卒于平壤贈大匡崇祿大夫領議政謚忠貞危身奉上曰忠清白守節曰貞吾族中爲忠貞公後裔者皆以公爲中祖至今傳十餘世而其麗甚多往者庚寅之亂實振古未有之大慘禍也諸族相與謀曰大

亂之餘諸族之死生存沒皆不可知且又譜牒之災于兵燹者亦復不少修譜固不可一日緩也而至於大譜南北未一之前勢有所難須從簡易可能之範圍先修忠貞公派譜籍爲異日大譜之先河不亦可乎衆皆曰唯於是設譜所于大田蓋取其道里之均便也後孫淡珪貞叡實主其事有司各勤其役遠近諸族齊聲協力踰勉拮据越二載而功告訖凡一帙 册將附剞劂氏屬不俟以弁卷之文余窃有感焉念吾族之有今日罔非吾先祖昔日修德之遺澤也爲後孫者可不思所以自修以報萬一之恩歟聿修厥德爲無忝爾祖之實克明峻德爲九族既睦之本繼自今各自懋德一以爲奉先之道一以爲敦族之實豈不贊哉豈不美哉願吾族相與勗之哉

檀紀四二九〇年

月

日

十一世孫榮求謹識

序

經曰有物必有則則者大本之謂也物本乎天人本乎祖凡我韓山之李蕃衍於東土者干今五百有餘歲而最顯於稼牧二祖千枝百派之分舉皆源於此自是以來台月卿星繼母不絕猗歟盛矣曷不休哉譜也者譜其祖而修其族也修族之意親親而敦睦孜孜而修本修本之意莫先於尊祖裕後之道吾族修譜之規想必非一非再而或成於大同或成於派譜而三十年爲一世繼繼繩繩非不避也而自今幾翻滄桑國步艱難人矢路於灰燼譜失序於倫理嗟吾同祖之孫視如路上之人者亦非忘祖而然也世然而然也思而不得合而未暇含泣者久矣幸而天不遺我使賢賢諸族高議始發於譜論而固當大同然天天地地恨莫追及百爾思之勢莫推及若因是而不修派譜即遠而愈遠近而愈疎故茲修忠貞公以來子子孫孫兄弟弟次爲一家之親互相累議而冠蓋類々於四方者歲已三矣嗟余蟄伏未知此任之重空費者雅矣乃者某某賢族枉駕于余并請序文余不文人也累辭不獲敢以淺筆於僉宗族高

卷之二

序

明之不不以書爲美以修族爲美則於尊祖修族之意豈不美哉

歲在丁酉十月
日
十一代孫弼求謹序

跋

奉先而爲子孫之綱領續後而爲祖先之遺緒古今通義惟我韓山之李自稼
亭先祖以來子姓之播在京鄉者其麗不億而其爲蒼谷先祖子孫者亦可謂
稔矣初自一人世代寢遠至於路人可勝歎哉丙申秋再從侄昶求甫效杞宋
古事將擬派譜爛議於遠近族親而詢謀僉同翌年春來言於我曰方謀派譜
而現今南北相隔蒼谷先祖墓圖猝難模獲是所恨也余喜動於色曰先祖墓
圖在我別無勞心六七代未遑之事君欲圖之甚勝事也然吾家先世之碩德
長老蒐集述先錄一部而祖先之蟬赫簪組克滿墓圖燦然備具今番之役並
付剏劂使遠近子孫開卷瞭然則尤不爲一大幸也耶曰述先錄並欲鋟梓則
物力未及實難成就但以先祖墓圖登梓至於成功可也曰是似然矣率議僕
力曰謹受教矣於是以族人貞馥爲校正明遠任修單晚馥掌財政部求總書
役各自殫誠積歲餘功告訖余雖不文其於祖先之事不可終默畧叙顧末如
右以俟後之君子採擇焉歲在丁酉十月望日十代孫誠珪謹跋

跋

我李源流以其遠故累派生譜刊以其
舊故闕久多悲夫若過幾世則累派之外
又生累派闕文之外更多闕文無以辨派別
寸計以一根之親心不免逢人視之庸是概
數不已者久矣幸於年前自吾蒼谷公派
中譜謙齋發緯之而譜役着進校讎及梓
印今既竣了焉蓋其爲譜也雖曰蒼谷公

一派之譜其記法也則上自始祖而降世代昭載各派支源可徵倫理立乎其中是以爲吾家之春秋而且永世之寶鑑也然而譜之作是今人之爲也譜之傳乃後人之爲也父以傳子之以傳孫重寶而敬覽之追奉而承慕之敘倫而敷睦之間或怠惰則是譜之傳庶乎其得矣云耳

歲在丁酉十月 日十二代孫昶求謹識

丞極泰來散久復聚天運之循環人事之變遷故天有寒暑盈虛之數世有治亂盛衰之運君子處其治亂之際隆替之間爲之如何但盡在吾之職而已是以世亂而後乃見君子之雅操天寒而後始信松柏之孤節吾宗素以寒族係出高麗戶長公諱允卿而至于稼牧兩先祖忠義道德冠平百世傳至九世孫蒼谷公冠冕赫赫爲我東方之望族此非所謂泰運之回耶自茲以降名公巨卿相繼而起韓李之門幾乎大昌矣至于諱夏徵時政欲革不成之致多少幾門或至絕嗣或爲廢族隱迹於山海之間者頗額多不來之極何如是之甚也自是之後不知其誰何至於路人者亦多可勝歎哉且吾宗中財力不贍自庚子大譜以後歷也旣遠後振甚繁而譜事尙不修此非吾宗之大欠事耶於是族從祀求與貞馥憤宗族之零替慕祖先之勳業不避艱險勞苦而遠近之族遺逸之宗莫不訪間一一収錄且有文字之可徵者亦皆蒐而輯之告厥成功猗歟盛哉此雖由於祀求貞馥四五年勤勞之功抑亦非所謂不往泰來之

時散久復聚之會耶嗟呼凡我宗族另念祖貞二公之功而大悟已往之不諫
深知來者之可追勉學問尚道德起泰運於當今傳泰運於萬世豈不美哉豈
不善哉是爲之望且爲之跋檀紀四千二百九十年丁酉至月上澣

十一世孫玉求謹跋

跋

何書莫論序於弁載於中跋於後是之意義不外乎當書之起而展而結而也
我韓山之李創於高麗中葉之初諱允卿爲鼻祖也以至稼牧兩先祖道德文
章節義勳庸爲一世推重輝於東洋矣繼之以中祖諱顯英蒼谷公熟於理氣
貫乎忠義亦紹述家風大矣猗歟盛矣于茲姓譜曾有系承而不得傳來乃之
世譜始於癸未怡愉堂公諱德洙關東按使時也次於庚申諱山老刑曹佐郎
時也次於丙午諱義甲正獻公時也次於乙巳諱容植完伯時也全宗族大譜
之修編至于四次以止矣而今了乙巳或云庚子之譜爲五十有八年之久而
自緣于時代變革亘一二代修譜所未遑也自數年來各處親族爲心於慕先
惇後今春譜所置于大田市大興洞總會爲六七回相互爛商而事鉅力綿譜
事尙未完了矣後任都有司祈求外務兼校正明遠正草部求經理晚馥僉甫
一層殫誠竭力功茲告訖特爲吾族之大幸矣既以序而網領之主旨立焉正
以編而事蹟之實況顯焉不必以跋而汗漫疊架終乃僉族爲跋爲戒故不獲

已爲數行蘿薜如右書云爾

檀紀四二九〇年丁酉冬十一月下休忠貞公十二代孫貞矩敬跋

其數不億하고萬代無窮할吾族이偉大하신戶長公以後稼牧兩先祖를爲始하여麗朝中葉으로부터李朝를거쳐約七百餘年을通하여無數한政治의陰謀와波瀾속에서其志操오히려崇高하여萬姓에崇拜를받음은史上을通하여周知의事實이다今日에 이르러其後孫大昌하고過般累次에 걸쳐大譜를纂함이 있으나今般遺憾스럽게도國土가兩斷되고先山과 더부리同派族人이以北에多數散在하여不得已牧隱先祖九代孫諱顯英蒼谷公以下系列로만網羅한것이今者派譜이나또한여기에도漏落이不少함은 그얼마나恨스러운노릇이라／多幸하게도數千有余의直孫이이彊士坊／谷谷에서새싹이자라나며各野各陣에서躍動함은尊嚴하신先靈의偉功과惠澤이라아니할수없도다父母는子孫을培養하고子孫은先祖를받들어美風을宣揚하며先者는偉大한歷史를創造하고萬代不朽의榮光을傳하여야 할것이며後者는其偉大한傳統을記錄하여또後者에億代

不朽로 빙하기 우리에게 賦與된 天理이며 使命이 않일 수 없다. 如斯한 傳統意識이 稀溥한 곳에 健全한 氏族도 자랄 수 없을 것이요 健全한 氏族이 없는 곳에도 한 健全한 民族과 人倫道德도 없을 것이다.

子孫萬代하고 稼亭先祖께서 吾之子孫은勿爲呼宗하라는 先訓과 더불어 敦睦과相互扶助하여 遺志에 萬分之一이라도 報答함이 우리의 갈바가 않 이겠는가? 今般派譜를 끝맺음에 있어 多大 한 隘路와 財政難에 도무름쓰고 都有司祿求氏와 校正有司貞馥氏를 비롯하여 각 地方有司及族人僉彥의 物心兩面의 至大 한 協助와 聲援에 深甚한 敬意를 表하는 바이며 이를 通하여 永慕의 情새롭고 先代一業을 繼承한 譜務에 參與함을 榮光으로 生覺 하며 重業을 成就한 安堵感을 禁치吳하는 바이다.

檀紀四二九〇年丁酉十二月

十一世孫 邶求

十三世孫 明遠

十二世孫 晚復

十三世孫 亨遠

謹跋

舊譜序（癸未）

關東按使李君師魯抵余書云韓山之李舊有譜牒而板刻不傳今復增續叙次附錄碑誌之類就原州府謀鋟梓行布于其序而弁之余謂譜既叙列昭穆及其行事則序在中矣他人何容贅辭無已則前輩或於序譜寓勸戒勗子孫亦古之道也植雖非其人請竊取斯義而效焉我東姓族之興多以德業勳烈而以文起者或不遠豈非徇華者易委而尙綱者可遠耶獨韓山之李專以文勝而科甲蟬聯愈久而愈繁他姓莫望焉人皆謂稼亭父子擢第上國牧老文學爲東方第一源大者流廣理固當然余謂牧老有功於斯文固非佔畢取名者比若其盡悴於昏荒之季自靖於革除之後所以利人澤物扶倫樹紀者實有不伐之功不顯之德而文聲掩之宜夫受天之祐歷世彌彰者矣噫賢賢親親沒世不忘豈獨帝王家哉凡爲牧老子孫者不惟尙其文而思尙其德不惟治其末而思治其本以謙受益用晦而明則可以無忝於牧老之道而豪傑之繼作福祿之滋至其亦無窮期矣是爲序時癸未九月初吉嘉義大夫司憲府

大司憲兼守弘文館大提學藝文館大提學知成均館事同知 經筵春秋館

事德水李植拜手謹書

余每疑人不能名生民之祖而歷千百代得一人有功德於世者尊之曰鼻祖
別其族而修其譜則不幾於子孫揀擇祖先之賢否而尊之也有功德於世則
能亢其宗而庇其族矣亢其宗則千百代之祖皆享其榮矣庇其族則千百代
之祖之孫皆受其福矣尊之爲鼻祖又奚疑焉洎閱韓山李氏之譜余之所嘗
疑者益釋然矣我東方素重世族羅之六部麗之六太師之裔冠冕海東其餘
著姓之可譜者亦皆閥閱而韓山之籍肇於麗季圭組相襲蔚爲名家攷其譜
之尊而祖之者稼亭先生也稼亭一傳而爲牧隱先生則非所謂亢宗庇族者
耶以一人之遺分派內外不知其幾千百而麟齋陰厓趾美著節能世其德名
卿聞人代不絕書而作相者幾人此唐宋史筆所特書者則是譜之行不啻行
於鄉邦而且登於國牒矣其裔孫觀察使德洙甫曾宰昇平重刻牧隱全集布
於世按嶺東又刻世譜問叙於余々嘗讀牧隱先生書猥謂知先生於數百載

之土有時掩卷而發嘆也噫先生以七尺眇然之軀當五百垂亡之運發其不敢發之言支其不可支之勢豈不知興廢之數而其所爲若是者特不欲變其志爾不變其志而死雖不得於人而宜得之於天天之報施足徵於斯譜歲舍癸未八月之望綏祿大夫東陽尉申翊聖謹書

舊譜跋（癸未）

譜族之意蘇氏之說盡之矣今不敢贅顧吾韓山之著姓已二百有餘年而尙未有譜者豈非雲仍之欠事乎不僂庸陋無所肖似而獲寥餘慶待罪方面旣豪援例 賦贈榮及三世矣感泣之餘仍取家藏姓譜欲鋟梓以壽其傳而復念方當公家務劇之時財力難辦則任情遂私所未遑也適同宗興祿甫爲督郵於近地而意與之合鳩聚板材以助其役且編帙不多功易就緒夫孰非國恩之所及而先烈裕後之澤亦豈誣也抑有所感焉者自先祖至今十餘世子孫之蕃衍者何限或以德業或以文章顯於世者代不絕書而不曾有身陷大辟名之以亂臣賊子者則亦吾宗之所當艷稱而來裔之益勵不忘期不墜先訓者也蓋亦勉之哉若夫訂定編次之始末則略具於凡例故姑書此以記云癸未七月下澣通政大夫守江原道觀察使兼巡察使李德洙書于北原之

韓山李氏蒼谷

公派譜卷之一

先祖李允卿

權知戶長

高麗成宗二年

初置十二牧鄉

吏職號以堂大

爲戶長以等大

爲副戶長以郎

中爲戶長同正

以員外爲戶長

副正爲戶長職

任糾正風俗與

今之縣邑戶長

似不類

自戶長公至版

圖判書公墓失

傳舊譜以入於

官府墻內載錄

矣今

上庚辰適因內

子仁 幹

正朝戶長

安逸戶長

丁時述家藏姓

譜諱永世永世

上有忠進

子永莊

戶長

丁譜自衍

子衍

見大譜二十九卷
七十九張

子桓

孝進

一云官奉憲大夫

秘書郎一云進士

舊譜凡例白稼

牧以上至版圖

判書府君則牧

隱墓道之文載

之詳矣判書公

以上數代只憑

書院及李掌令

治家譜所載記

之而今閱同宗

人數家所藏系

子昌世

追封奉翊大夫版

圖判書

子自成

登進士官并邑監

務庚戌七月三日

卒元朝宣贈奉訓

大夫秘書監丞麗

朝追贈匡靖大夫

都僉議贊成事○

配李氏籍興禮府今

蔚山父椿年元朝

封遼陽縣君麗朝

宋咸淳戊辰生元

至正庚寅十月

子畜

見大譜二卷三張

見三張

子壇

見大譜二卷三張

見三張

子穀